

## **Wolayta - Atotettai Xoossaa - Salvation Scriptures**

**Efisoona 2:2 He wode intte ha sa7aa iita ogiyaa hemettideta; carkkuwaa giddon de7iya wolqqaama ayyaanatu halaqaayyo qassi Xoossaayyo azazettenna asaa ha77i haariya ayyanaayyo azazettideta.**

**Maatiyoosa 6:10 Ne kawotettai yo; ne shenee saluwan hanidoogaadan, sa7ankka hano.**

**Luqaasa 22:42 Xoossaa, “Ta Aawau, neeni koyyoobaa gidikko, ha burccukkuwaa taappe digga; shin neeni koyyoobai hanoppe attin, taani koyyoobai hanoppo” yaagidi woossiis.**

**Yohaannisa 16:7-9 SHin taani intteyyo tumaa odais; taani biyoogee intteyyo keha. Aissi giikko, taani baana xayikko, minttettiyaagee inttekko yeenna; shin taani biikko, a inttekko yeddana. 8 Qassi minttettiyaagee yiidi, nagaraabaa, xillotettaabaanne pirddaabaa ha sa7aa asaa erissana. 9 Nagaraabai asai tana ammanenna gishshassa.**

**2 Ximootiyoosa 2:10 Hegaa gishshau, taani Xoossai doorido asatikka Kiristtoos Yesusan de7iya atotettaa merinaa bonchchuwaara demmaniaadan, eta gishshau, taani ubbabban waayettais.**

**Roome 15:20,21 Hegaadankka, taani hara asi doommidoogaa bollan doommennaadan, Kiristtoosa suntai xeesettibeennasan wonggeliyaa mishiraachchuwaa yootanau amottaas. 21 SHin Xoossaa maxaafai, “Abai odettibeennaageeti a be7ana; qassi abaa siyibeennaageeti akeekana” yaagees.**

**Yesuusi Kiittidoogeetu Oosuwaa 2:36,37 “Hegaa gishshau, Xoossai masqqaliyaa bolli misimaariyan ha intte xishidi kaqqido Yesuusa Godanne Kiristtoosa oottidoogaa Israa7eela zare ubbai tumaappe ero” yaagiis. 37 Asai PHeexiroosi giidoogaa siyido wode, asau wozanai maashin, PHeexiroosanne Yesuusi kiittido harata, “Ishanttoo, yaanin nuuni ai oottanee?” yaagidosona.**

**Ibraawe 4:2 Aissi giikko, eti wonggeliyaa mishiraachchuwaa siyidoogaadan, nuunikka siyida; eti siyidosona; shin ammanidi ekkibeenna gishshau, ainne eta go77ibeenna.**

**Ermmaasa 24:7 - Maatiyoosa 22:37 Oichchin Yesuusi zaaridi, hagaadan yaagiis; “Neeni Godaa ne Xoossaa ne kumetta wozanaappe, ne kumetta shemppuwaappe, ne kumetta qofaappe siiqa’ yaagiis.**

**Yesuusi Kiittidoogeetu Oosuwaa 16:14 Issi Lidiyaa giyoora, Tiyaaxiroona**

**katamaappe yaada Xoossaammaniyaara, zo7o afalaa baizziya maccaasiyaa, nuuni yootiyoogaa siausu; PHauloosi yootiyoogaakka a siyana mala Xoossai i wozanaa dooyiis.**

**Maatiyoosa 13:14-16** “Isiyaasi etabaa hananabaa yootidoogee polettes; hananabaa yootidoogee hagaa; 'Intte sissaa siyana; shin intteyyo gelenna; intte xeeluwaaxeellana; shin be7ekketa. 15 Aissi giikko, ha asaa wozanai dammiis; bantta haittaa tulissidosona; bantta aifiyaakka qilimmidosona. Hegee bainnaakko, eti bantta aifiyan be7ana; bantta haittan siyana; bantta wozanankka akekana; eti taakko, Xoossaakko simmana; taanikka eta pattana, shin attiis' yaagees. 16 “SHin intte aifee xeelliyo gishshaunne intte haittaikka siyivo gishshau, intte anjjettidaageeta.

**Isiyaasi 6:9,10 - Yesuusi Kiittidoogeetu Oosuwaa 28:27** Aissi giikko, ha asaa wozanai dammiis; bantta haittaa tulissidosona; bantta aifiyaakka qilimmidosona. Hegee bainnaakko, bantta aifiyan be7ana; eta haittaikka siyana; eta wozanaikka akekana; eti taakko Xoossaakko simmana. Qassi taanikka eta pattana” yaaga' yaagiis.

**Marqqaosa 4:11,12** Oichchin Yesuusi etassi hagaadan yaagiis; “Inttessi Xoossaakko kawotettaa xuura yohuwaa erai imettiis; shin harati kawotettaappe kareera de7iyaageeti, xeeluwaaxeellidi be7enna mala, qassi sissaa siyidikka akekenna mala, eti naa77anttuwaa Xoossaakko simmin, i eta nagaraa atto geenna mala, etayyo ubbabai leemisuwan odettiis” yaagiis.

**Yohaannisa 12:39,40** Isiyaasi qassikka, “Eta aifee xeellenna mala, eta wozanaikka akekenna mala, eti Xoossaakko simmin, i eta pattenna mala, Xoossai eta aifiya qooqissiis. Eta wozanaa dammissiis” giido gishshau, eti ammananau danddayibookkona.

**Roome 11:7,8** Yaatin, aibee? Israa7eela asati bantta koyyoobaa demmibookkona; shin Xoossai doorido amaridaageeti demmidosona. Xoossai hinkkooti ba xeesiyoogaa siyennaadan tulissiis. 8 Hegaadankka, Xoossaammaxaafai, “Xoossai eti bantta aifiyan be7ennaadaaninne bantta haittan siyennaadan, hanno gakkanaassi etau azalla ayyaanaa immiis” yaagees.

**2 Tasalonqqe 2:10,11** Hegaadankka, qassi xayiya asata dumma dumma iita cimuwan balettana. Xayiyaageeti attanau tumatettaa siiqidi ekkibeenna gishshau xayana. 11 Hegaa gishshau, tumatettaa ammanibeenna asati, nagara oottiyooogan ufaittiyaageeti ubbai pirddettanaadaaninne worddo gidiyaabaa ammananaadan, Xoossai wolqqaama balaa eta giddo

yeddana.

**Maatiyoosa 13:18-23** “Simmi kattaa zeriyaagaa leemisuwaa birshshettai giyoogaa siyite. 19 Kawotettaa qaalaa siyidi, akeekenna ooninne ogiyaa doonan wodhdhida zerettsaa mala; xalahe halaqai yiidi, eta wozanan zerettidaagaa maxirgees. 20 SHuchchaa anccoi de7iyo biittan wodhdhida zerettai qaalaa siyidi, sohuwaara ufaissan ekkiyaageeta milatees. 21 SHin hegee ha77issau de7iyoogaappe attin, aani xaphoi baawa; qaalaa gaasuwaa waayee woi yedetai yiyo wode, sohuwaara xubetti aggees. 22 Qassi aguntta giddon wodhdhidaagee qaalaa siyiyaagaa milatees; shin ha sa7aa de7uwau hirggiyoogeennne duretetta siiqiyoogee qaalaa cuullees; cuillin he zerettai aifennan atti aggees. 23 Aradda biittan zerettidaagee qaalaa siyidi, akeekiya asa milatees; yaatidi aifees; issoi xeetaa, issoi usuppu tammaa issoi hastamaa aifees” yaagiis.

**2 Qoronttoosa 3:15,16** SHin eti Muuse maxaafaa nabbabiyo wode ubban hachchi gakkanaassikka, he naxalai eta wozanaa kammi wottiis. 16 SHin Xoossaa maxaafai, “Ooninne Godaakko simmiyo wode audenne he naxalai kichchees” yaagees.

**Hoosea 11:3-7 - Maatiyoosa 11:28-30** “Daafuranchchatoo, deexuwaa tookkiyaageetoo, ubbatu taakko haa yiite; taani inttena shemppissana. 29 Taani ashkkenne wozanappe kauyyiyaagaa gidido gishshau, ta qambbaran waaxettite; taappe tamaarite; intte shemppuwaukka intte shemppo demmana. 30 Aissi giikko, ta qambbarai giiga; qassi taani inttena toosidoogeekka kaushsha” yaagiis.

**Yesuusi Kiittidoogeetu Oosuwaa 26:17/18** Eti tana ammanin, eta nagarai atto geetettanaadan, Xoossai doorido asaa giddon eti bantta sohuwaa demmanaadan, qassi xumaappe poo7uwaa simmanaadaaninne xalahiyaa godatettaappekka Xoossaakko simmanaadan, eta aifiyaa neeni dooyana mala, Israa7eela asaappenne taani nena etakko kiittiyo Aihuda gidennaageetuppe nena ashshana' yaagiis.

**2 Ximootiyoosa 2:24-26** Godaa ashkkarai ubbaayyo kehiyaagaa, loitti tamaarissiyaagaanne danddayanchcha gidanau besseesippe attin, ooyettanau bessenna. 25 Qassi i bana ixxiyaageeta ashkketettan seeriyaagaa gidanau bessees. Eti bantta nagaraappe simmidi, tumatettaa eranaadan Xoossai oottanaakko, ooni erii. 26 Qassi eti bantta wozanaa qofau simmidi, bantana ba koyidobau azazettana mala oiqqida xalahee halaqaa gitiyaappe kessi ekkana.

**Ajuutaa 3:17-19** Aissi giikko neeni, 'Taani dure; mehiyaasa; tana ainne

**koshshenna' yaagaasa. SHin neeni metootiya asa, qarettiya asa, hiyyeesa, qooqenne kallottida asa gidiyoogaa erakka. 18 Hegaa gishshau, neeni duretana mala, taman geeyida worqqa, nena yeellayiya ne kalluwaa kammanau bootta maayuwaanne qassi loitta xeellanau ne aifiyaa tiyiyo xaliyaa taappe shammanaadan, taani nena zorais. 19 Taani siiqiyo ubbaa seeraisinne qaxxaya; simmi keehi mishetta; ne nagaraappekka simma.**

**2 Qoronttoosa 7:10 Aissi giikko, Xoossai koyiyo azzanoi atotettaakko gattiya nagaraappe simuwaa ehees; hegeekka zil77etti bainnaagaa; shin sa7aa azzanoi haiquwaa ehees.**

**1 Kawotu 18:37 - God turned heart back to God**

**2 Qoronttoosa 4:4 Ha sa7aa Xoossai ammanenna asatu qofaa jallissiis; jallissidi Kiristtoosa bonchchuwaa, wonggeliyaa mishiraachchuwaa poo7uwaa banttau poo7iyaagaa, Xoossa milatiyaagaa eti be7enna mala, eta diggiis.**

**Luqaasa 8:11-15** “Leemisoi hagaa. Zerettai Xoossa qaalaa. Ogiyaa doonan de7iya zerettai qaalaa siyidaageetu leemisuwaa bessees; shin hegaappe guyyiyen, eti ammanidi attenna mala, xalahe halaqai yiidi, eta wozanaappe qaalaa efirgees. 13 SHuchchaa bollan de7iyaageeti siyiiddi, a qaalaa ufaissan ekkiyaageeta milatoosona; etassi xaphoi baawa. Eti ha77issau ammaniyoogaappe attin, paacee yiyo wode xubettiyaageeta. 14 Qassi aguntta giddon wodhdhidaageeti siyiyaageeta milatoosona. Siyidi banttau de7iiddi, de7uwaa wodiyaa qofan duretettaaninne lo77o de7uwaa cuulettiyo gishshau, eta aifee bootennan atti aggees. 15 SHin aradda biittan wodhdhidaageeti hegeeti lo77o wozanaappenne tumu wozanaappe qaalaa siyidi naagidaageeta; eti danndayaara naagidi aifoosona.

**Yesuusi Kiittidoogeetu Oosuwaa 15:11 SHin Godaa Yesuus Kiristtoosa aaro kehatettan eti attidoogaadan, nuunikka attidoogaa ammanoos” yaagiis.**

**Roome 8:13 Aissi giikko, intte intte asatettai giyoogaadan de7ikko, intte haiqqana; shin intte intte nagara oosuwaa Geeshsha Ayyaanworikko, paxa de7ana.**